



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

caput XXXI.

urn:nbn:de:hbz:466:1-29452

CAPVT XXXI.

ARGUMENTA.

1. *Quomodo Christus pro peccatis nostris satisficit sua morte.*
2. *Quæsit Euangelica satisfactio, quam à nobis exigit Christus.*
3. *Quæsit Ecclesiæ satisfactio secundum Canones, & olim fuerit in usu.*

I.

Tota Scriptura solùm vnum ostendit satisfactorem pro peccatis totius mundi, scilicet Christum. Esa. 53. Posuit Deus in eo iniuriam omnium nostrorum. Col 1. Complacuit Patri, per eum reconciliari omnia per sanguinem crucis eius, siue quæ in cœlis, siue quæ in terris sunt. 1. Ioan. 2. Ipse est propitiatio pro peccatis nostris: non pro nostris autem tantum, sed etiam pro totius mundi. Et Ioan 1. Ecce agnus Dei: &c. Ideò à culpa & poena æterna peccati solùm nos liberat satisfactio & mors Christi. Nam à culpa peccati & à poena æterna liberari solùm continet propter sanguinem Christi, & non opus hominis: neque diuelli debent culpa & poena æterna, quod ambo hæc Christi mortem respiciunt. Distingui quidem possunt remissio culpæ, & remissio temporalium poenarum: Culpa propter sanguinem Christi tollitur, & ira vel poena æterna: sed temporales poenas, quas meruerunt peccata nostra, mitigamus per opera & fructus poenitentiæ nostræ. 1. Corinth. 11. Si nos ipsos dijudicaremus, non utique iudicaremur à Domino. Est igitur coram Deo pro culpa & poena æterna abolenda sola Christi satisfactio. Est autem triplex satisfactio: coram Deo, coram proximo, & coram Ecclesia.

z:

Huius satisfactionis Christi nemo fit particeps,

nisi

nisi qui & ipse secundum Euangelium satisfaciat proximo suo. Exigit enim Deus satisfactionem à te erga proximum tuum, & illam docet Euangelium & Scriptura, ut Matth. 5. Vade reconciliari proximo tuo. Item restituere res alienas quas occupamus. Exo. 20. Non furtum facies. Item restituere famam: ibidem, Non falsum testimonium dices contra proximum tuum. Luce. 6. Remittite, & remittetur vobis: date, &c. Item Rom. 13. Nihil quicquam debeatis, nisi ut in vicem vos diligatis. Et Matt. 7. Quod vultis ut vobis faciant homines, hoc & vos facite illis. Igitur Euangelium ubique ad huiusmodi satisfactionem proximi nos obligat, & illam sic exigit Christus, ut suam satisfactionem coram Deo patre non distribuat nobis, nisi & nos proximo satisficerimus.

Porrò satisfactione quae est erga Deum, creditur; quae est erga proximum, necessariò exigitur ad salutem. Rursus suprà dicta satisfactione exigitur à iam iustificatis & fidelibus per fidem Christi: igitur non satisfacit pro peccatis coram Deo ad abolendam culpam & pœnam æternam. Hoc Christi morti solum debetur, sed tamen valet ad mitigandas pœnas temporarias, quas Deus infligere solet, ut famam, bellum, pestilentiam, incendium, morbum, &c. Deinde est dispositio ad accipendum Christi satisfactionem, ut efficax in nobis sit ex gratia. Nam tamen Fides accipit Christi beneficium, fides tamen vera non est, nec Christi beneficium est efficax, si non aderit & nostra satisfactione erga proximum, atque pœnitentia.

Est quædam satisfactione coram Ecclesia, qua olim famosi peccatores non recipiebantur in Ecclesiam sine publica castigatione, quam castigationem vocabant Patres satisfactionem. Accesserunt & canones Patrum, quibus pro uno peccato septennis pœnitentia imponebatur, & minus & supra: Et sic publicæ spectacula pœnitentiæ fuerunt externa quædam

dā disciplina, qua cohibebantur & probabantur peccatores, num verè pœniterent, ac cæteri à peccatis terrentur. Non autem putarunt Patres eo ritu ac publica pœnitētia mereri remissionem culpæ, ac pœnarum æternarum liberationem: hoc semper transielerunt in Christum ac eius mortem, attamen ad mitigationem pœnarum temporalium, ad coercendam carnem, vt in posterum minùs peccarent, & ad alios multos fines, præterquām quod esset premium pro peccatis, obseruata fuit. Insuper quod nostra pœnitentia operum mitigare possit iram Dei, hoc testatur scriptura ubiq; vt satisfactio Niniuitarū Ion. 3. Ex. plurum regis Ezechiæ, cui adjiciuntur 15. anni, Esa. 38. & 2. Reg. 12. Dauid propria sententia fuit filius mortis: sed ad verbum, Peccavi, audit à Propheta, Transluit Dominus peccatum tuum. Et 1. Cor. 11. Si nos ipsos iudicaremus, non iudicaremur à Domino. Ergo pœnæ peccatorum temporales, quas pro peccatis meremur, non dico de illis pœnis, naturaliter propter peccatum nobis agnatis, vt mors, famæ, &c. sed de his, quæ peccatis actualibus meruimus, non ex origine contraximus, mitigantur nostra satisfactione operum in hac vita. Nam propter orationes, ieunia, eleemosynas ac similia bona opera, immò propter unum bonum hominem & sanctum, Deus parcit toti ciuitati: sicut volebat propter decem viros parcere ciuitatibus Sodomorum, Gen. 18. Deus mitigat iram, & donat plura bona temporalia & spiritualia, sicut etiam punit mundus propter libidines, idololatriam, comessationes, & transgressiones Diuinorum præceptorum in tertiam & quartam generationem, Exod. 20. Et quoniam pœnæ Purgatoriij etiam sunt temporales, & non æternæ: ideo credit vniuersalis Ecclesia, operibus viuentium tales iuuari posse, ac mitigari illorum pœnas, tandemq; liberari, eò quod hoc nullibi in scriptura est prohibitum: & Christus ipse dicit

dicit quod aliquod peccatum sit, scilicet infidelitatis
vel impoenitentie, quod neq; hic, neq; in futuro secu-
lo remittetur, Matt. 12. Sicut Apostolus dicit i. Ioan.
5. Est peccatum ad mortem, non dico ut quis pro illo
oret, &c. Ergo concludit Ecclesia, esse aliquod pecca-
tum, id est, poenam temporalis quam Deus statuit re-
mittere, & non aeternaliter reseruare, sicut infideliū.
Et illa poena peccati, quae infertur in Purgatorio, est
tamen temporalis, & remittitur orationibus & ope-
ribus viuentium, sed culpam solus Deus sua satisfa-
ctione remittit. Possunt quoq; claves Ecclesiae solue-
re canones, qui exigunt satisfactionem aliquot anno
rum & dierum, sicut cum indulgentias facit Roma-
nus pontifex: qui canones & indulgentie satisfactio-
num, quandò constat eas multis salubres fuisse, non
in totum sunt rejiciendæ, modò amputetur avaritiæ
abusus, &c. Nulla ergo predictarum satisfactionum
est contemnenda, sed distinctè & suo ordine intelli-
genda, etiam de sanctorum poenis & afflictionibus,
quæ non ob peccatum imponuntur, sed vt illis crux
sint & exercitium ad coronam & præmium, sicut in
Iob, Paulo, Tobia, &c. hic non vtuntur suo iure cano-
nes vel claves, &c. hoc totum Deo relinquitur, sed de
poenis temporarijs & ab hominibus impositis, valēt
claves &c. & ad purgandos in Purgatorio per modū
orationis, suffragij, non auctoritate Romana, vt te-
net Eccl. &c. Insuper omne peccatum contrà legem
Dei factum, duplē meretur poenam, nempe aet.
nam & temporalis, sicut peccatum Adæ aeternā poe-
nam meruit, id est, damnationem post hanc vitam,
deinde temporalement, id est, infirmitatem corporis,
mortem, laborem & sudorem in terra, maledictionē,
fentes, tribulos, Genes. 3. & Exod. 20, in tertiam &
quartam generationem minatur vindictam Deus fi-
lijs ob peccata parentum, quod de temporali poena
solum intelligitur, modò alias in Christum credunt.

Sic

Sic 1. Cor. 5 luxuriosus traditur Sathanę, quoad temporalem pœnam &c. At Christus suo sanguine liberavit omnes credentes de æterna pœna, id est, culpa non autem ab omni temporaria pœna, infirmitatibus, angustijs, tribulationibus, morte, &c. Sed illa mitigari & extingui possunt nostris orationibus, ieiunijs, laboribus, sicut patet de Niniuitis, Iona 3. Et ad illum etiam finē excogitati sunt canones pœnitentiales, vbi Ecclesia tanquam pia mater præueniti Dei, quoad temporarias pœnas: item eō conducunt indulgentiæ. Sed ab æterna pœna & culpa solū Christi meritum saluat.

CAPVT XXXII.

ARGUMENTA.

1. *Quid sit Christum induere.*
2. *Quando contingit illa induitio Christi.*
3. *Quid sequi debeat illam inductionem Christi.*



Postolus in epist. ad Roma. docet nos Christum induere debere, ut cap. 13. Induimini Dominū nostrum Iesum Christum. Est autem Christum induere nihil aliud, nisi effici partipem bonorum Christi ac communicari. Et sit in Spiritu & fide, quando anima sic acceptat Christi iustitiam, redemptionem, omnemque gratiam, ut verissimè & certissimè credam mihi cum filio omnia filij bona esse donata, & mea propria fore, sicut Apostolus Roman. 8 ait. Qui dedit filium, quomodo non omnia cum filio. Nam hæc est propria & vera conditio fidei, ut quis certò credit & teneat, quod omnia Christi, sua sunt, ut libere dicere possit, Christi iustitia, redemptio, mors, resurrectio, mea sunt. Hæc enim Fides communica omnia bona Christi. Sicut ergo homo vestimentum suum induit, & dicit esse suum proprium.

Sic